

ԾԱՆԱԲԱՆՈՒԹՅԱՆ ԳՈՐԾՈՒՄ
ՊԱԶՊԱՆՈՒԹՅԱՆ ԳՈՐԾՈՒՄ

Հ. Դ. ՄԿՐՏՈՒՄՅԱՆ

Սերեկյանների դեպի Անդրկովկաս կատարած էքսպանսիայի ժամանակաշրջանում, Անտիոքոս III Մեծի թագավորության տարիներին (242—187 մ. թ. ա.) ուշադրություն էր դարձվել ինչպես Դարյալի լեռնանցքի (որը այն ժամանակվանից սկսած հայտնի էր Ալանաց Դուռ անվամբ՝ Ἀλάναι Πύλαι, Ptol., V, 8, 9, պարսկ.՝ Dar-i-Alan, վրացերեն՝ լճարձաճո, հայերեն՝ Դուռն Ալանաց), այնպես էլ ռազմա-վիրական ճանապարհի վրա, որոնք դիրքառալիկի նշանակությունն ունեին Անդրկովկասի ժողովուրդների (ամենից առաջ վրացական ցեղերի) և Հյուսիսային Կովկասի հարթավայրերի քոչվորների հարաբերություններում։ Դրանով կարելի է բացատրել այն փաստը, որ Պտղոմեոսը (90—168 թթ.) արդեն գիտե Դարյալի լեռնանցքի մոտ, Թեբեք գետի (Պտղոմեոսը այն անվանում է Ἀλόντα, Ptol., V, 8, 6) շրջանում ապրող ծանարների ցեղը Σαραταί (Ptol., V, 8, 13)։

Հայկական և վրացական աղբյուրներում ծանարների մասին ամենահին հիշատակությունը կապված է Ռուռնք Ալանացի» հետ։ VII դ. «Աշխարհացոյցում» հիշվում է «ծանարք, յորում Ալանաց Դուռն»¹, իսկ «Մոքցեվայ Քարթլիսայում» («Վրաց դարձ»)՝ «Մանարների կիրճը» (პეგი მანარეთისა)²։ Միջնադարում (ինչպես և այժմ) վրացիներն այդ կիրճը, որը գտնվում է Վրացական ՍՍՀ-ի Ղազբեգի շրջանում, անվանում են «Խեմլի»։ «Աշխարհացոյցը», ինչպես և «Մոքցեվայ Քարթլիսայն», խոսելով Ռուռնք Ալանացի» ամրությունների մասին, նկատի ունեն VI—VII դդ., արաբական նվաճումներին նախորդող շրջանի դեպքերը։ Հատուկ նշանակություն ունի «Մոքցեվայ Քարթլիսայի» հաղորդումն այն մասին, որ պարսիկները Ալանաց դռների պահպանության գործը վստահեցին ծանարներին³, որը նպաստեց այդ ցեղի հեղինակության ամրապնդմանը Կախեթի փառաքական կյանքում։

Համաձայն այդ հաղորդումների, ծանարներից ռազմիկներ էին զինվորագրում Դարյալի կիրճի սահմանամերձ ամրությունների պահպանության համար։ Սահմանապահ զորքը «Մոքցեվայ Քարթլիսայում» հիշված է «գոմարդի» (გომარდი) բառով, որը համապատասխանում է հայերեն «գումարտակին»⁴։ «Գումարտակ» բառը ծագում է պարսկ. gumārtak-ից և նշանակում

1 Ս. Տ. Երեմյան, Հայաստանը ըստ «Աշխարհացոյցի», Երևան, 1963, էջ 102։

2 მოქცევაჲ ქართლისაჲ, ძველი ქართული აგომარადიფიფილი ლიტერატურის ძეგლები, წიგნ I (V—X სს), თბილისი, 1964, էջ 96։

3 Նույն տեղում, էջ 94—95։

4 Հյուսիսային սահմանամերձ լեռնանցքների պահպանության համար նման կայազորներ կային նաև Չոլա-Դերենդում, որի մասին հիշատակում է Մովսես Կաղանկատվացին։ Նա հաղորդում է, որ Ազվանի պարսիկ մարզպան Դալաբը՝ «հայ էր տեսանել, եթէ զինչ անցե անցանքեն ընդ պահպանս մեծ քաղաքին Չոլայ և ընդ գումարտակս սքանչելի պարսպացն որա...»։ Մովսես Կաղանկատվացի, Պատմութիւն Աղուանից աշխարհի, II, ԺԱ, Թիֆլիս, 1913, էջ 153։

է «կուսակալ»⁵, որը հին վրացերենում՝ გომარდად დაადგინდა, այսինքն՝ ամրոցապահ զորքի պարագլուխ նշանակել⁶: Հայերեն «գումարտակ» բառը փոխառություն է պահլավերենից gumartak, gumardak և նշանակում է «կուսակալ», որ իմաստաբանական առումով նույնանում է հին վրացերեն «մոնապիր» (მონაპირე) հասկացությանը:

Այնաց դոների պահպանության գործում ծանարների ցեղի խաղացած դերին անդրադառնալով, անհրաժեշտ է կանգ առնել «քորեպիսկոպոս» հայտնի տիտղոսի վրա⁷, որը սկզբնական շրջանում, ըստ երևույթին, Դարյադի կիրճի շրջանի ժառանգական կառավարչի՝ ծանարների ցեղապետի տիտղոսն էր, իսկ հետագայում այն օգտագործվում է, որպես Կախեթի ֆեոդալական իշխանության կառավարչի հորջորջում:

Կախեթի ֆեոդալական իշխանության քաղաքական ղեկավարը վրացական աղբյուրներում կրում է «քորեպիսկոպոս» (ქორეპისკოპოსი) կամ «քորիկոլ» (ქორიკოლი) տիտղոսը: Վերջինս «քորիսկոս»⁸ ձևով հանդիպում է նաև արաբական աղբյուրներում: Հայկական աղբյուրներում օգտագործվում է միայն «քորեպիսկոպոս» կամ «մեծ քորեպիսկոպոս» ձևերով: XVIII դ. սկսած վրաստանի պատմական անցյալի առաջին ուսումնասիրողներ Սուլխան-Սաբա Օրբելիանին⁹ և Վախուշտի¹⁰ արքայազնը գտնում են, որ նախապատվությունը պետք է տալ «քորիկոլին»: Այդ կարծիքին են և ժամանակակից մի շարք վրացագետներ (Դ. Բաքրաձե, Լ. Մեղիքսեթ-Բեկ, Մ. Կակարաձե, Ն. Բերձնիշվիլի): Վրացական¹¹ և հայկական¹² միջնադարյան պատմիչների երկ-

⁵ 2. Աճառյան, Հայերեն արմատական բառարան, Կ. Ա, Երևան, 1971, էջ 592:

⁶ Հմատ. С. Н. Какабадзе, О племенн царя. „Исторический сборник“ (საისტორიო კრებულო), кн. 3, Тифлис, 1928, էջ 104, ծանոթ. 2:

⁷ Այս տիտղոսի մասին տե՛ս՝ Թ. Դ. Լորտქիფաճաճի, ფეოდალური საქართველოს პოლიტიკური გაერთიანება თბილისი, 1963, էջ 151—152; Ծ. Բ. Դավթի, მმართველი ქორეპისკოსის იმპერატორის საკითხისათვის კვლევის სამთავროში (К вопросу о ведущем институте в царстве в Кахетии), „მაცნე“, 1964, № 5, էջ 87—99; С. Н. Какабадзе, იქ. აქ., էջ 109—111:

⁸ Масудли, տե՛ս Н. А. Караулов, Сведения арабских географов IX и X вв. о Кавказе, Армении и Азербайджане, в сб. „Материалы для описания местностей и племен Кавказа“, вып. XXXVIII, Тифлис, 1908, стр. 57.

⁹ Եղևնան-Սաճա Օթեղօսնի, ლექსიკონი ქართული. თხზულებანი, თბილისი, ტ. IV, 1966, էջ 231:

¹⁰ Եանუშ Թո, საქართველოს ისტორია, ნაწილი, დ. ბაქრაძის გამოცემა, თბილისი, 1885, էջ 123—124:

¹¹ Խართლის ცხოვრება, Ե. Կապուխի Մցիկոս Բեղաձցի, თბილისი, ტ. I, 1955, էջ 254, 257, 262—263, 268—269, 271, 278:

¹² «Անդ ապա մեծ քորեպիսկոպոսն, որ պայազատէր իսկ դման Գուգարաց (sic!) մերձ ի Դրունս Այնաց՝ գայր հասանէր զօրու բազմաւ ի թիկունս օգնականութեան թագաւորին» (Յովհաննու կաթողիկոսի Դրասխանակերտեցոյ Պատմութիւն հայոց, Թիֆլիս, 1912, էջ 301—302), «...նվ միևնույն թագաւորն առկայացեալ յուտի գաւառի համոզել նուաճել զխտապարանոց աւագակոտ մարդիկ աշխարհին, յանկարծակի դիմեալ շուտաւ գնացեալ Մովսէսն ի Սիսական կողմանցն՝ ի մտի դնէր երթալ առ մեծ քորեպիսկոպոսն ծանարաց և բարւոյ խոստմամբ միարան ընդ իւր զնա կացուցանել և զբաւթափ իւրոյ տէրութեանն լինել...», (Նույն տեղում, էջ 303), ՏԵ՛ս նաև Ուխտանէս եպիսկոպոս, Բ. Պատմութիւն բաժանման վրաց ի Հայոց, գլ. ԺԸ, Վաղարշապատ, 1871: Այնտեղ կարդում ենք՝ «և այլ ևս գաւառք շուրջ զՏիֆլիս քաղաքաւ, որ կոչին Մանարք և Զաւախք՝ և Քրոնխք» (Ուխտանէս, Պատմութիւն, էջ 35):

րո՞ւմ որպէս կանոն օգտագործվում է «քորեպիսկոպոս» տերմինը: Միանգամայն ճիշտ է նկատել Մ. Դ. Լորթքիփանիձե՛ն, որ «Քարթլիս Յիսուրբեայում» («Պատմութիւն Վրաց») և ոչ մի պատմիչ չի հիշատակում «քորիկոզի» տերմինը: Հիշված է միայն «քորեպիսկոպոսը»¹³: Նեղ իմաստով «քորեպիսկոպոս» նշանակում է թեմի կառավարման գործում եպիսկոպոսի տեղակալ կամ օգնական, բայց ժամանակի ընթացքում «քորեպիսկոպոսը» դառնում է Կախեթի ժառանգական տիրակալի ավանդական տիտղոսը: Այդ մասին են վկայում Զեդաղենի վանքի և Թողա (Թորղա) ամրոցի ավերակ եկեղեցու արձանագրութիւնները¹⁴, որոնք հնարավորութիւն են տալիս պատկերացում կազմելու Կախեթի տիրակալների տիտղոսների մասին: Նրանցից մեկի՝ Աղսարթանի տիտղոսը հետեւյալն է. «ուսն [աց] և կախ [աց] [քոր] եպիսկոպոս և տիրակալ» [ქორ] ეპისკოპოსა(?) და ღან[თა] და კახ[თა] მფლობელი¹⁵:

Ծանարներից ցեղի նման առանձնաշնորհ վիճակը նրանց հնարավորություն տվեց հետազարում, Սասանյանների տիրապետության վերացումից հետո, գլխավորել արաբական խալիֆայության դեմ պայքարող ցեղերին¹⁶։ Կալեթի ալլ ցեղերի հետ միասին՝ ծանարները հերոսական պայքար էին մղում արաբական զավթիչների դեմ, որոնք այդ ցեղի անունով էլ խնդրո առարկա երկիրն անվանում էին «Սանարիա»։

Մանարների հերոսական պայքարը խալիֆայության դեմ նոր ուժ էր հաղորդում հայերի և վրացիների ազատագրական պայքարին: Օրինակ՝ Երբ Վասպուրականում հայտնի դարձավ ժանարներից Բուղայի կրած պարտությունը, այդ ժամանակ Ապուլջափր Արծրունու և նրա քեռորդի Ապուլմկղեմի գլխավորությամբ ազատագրական շարժումը նոր թափ ստացավ¹⁷:

Արարական խալիֆայության դեմ մղված այս պայքարն ավարտվեց VIII դ. վերջում Անդրկովկասում նոր ֆեոդալական քաղաքական միավորման՝ Մանարաց աշխարհի (իմա՝ Կախեթի) քորեպիսկոպոսության առաջացմամբ, որը հետագայում վերածվեց առանձին թագավորության (ըստ վրացական աղբյուրների՝ Կախեթի թագավորության)։ Մանարների հետ միասին արարների դեմ պայքարում էին նաև գարդաբանցիները՝ Կախեթի հաղթավարչի բնակիչները։ Որոշ ժամանակի ընթացքում այս ցեղից դուրս եկած դինաստիային էր պատկանում քորեպիսկոպոսի՝ երկրի ժառանգական կառավարչի պաշտոնը։

Սանարաց աշխարհի առաջին կառավարիչ Գրիգորը (վրաց. Գրիգոլ—786—827) նվաճեց Գարդաբանի նահանգը, որը ենթադրում է Թբիլիսիից հարավ-արևելք ընկած ստրաժքը: Շատ ավելի ուշ, XVIII դ. արքայազն Վախտանգի Բագրատունին տալիս է Գարդաբանի նահանգի սահմանների նկարագրությունը¹⁸: Նահանգը IX—XI դդ. պետք է որ գտնվեր Թբիլիսիի ամիրայությունից հեռու (827 թ.) լիշխանու-

¹³ მ. რ. ლორთქიფანიძე, *მეფ. საქ.*, ტ. 152.

¹⁴ თ. ვ. ბარნაველი, კახეთის ისტორიული ძეგლების წარწერები, თბილისი, 1962 წ.,
 № 74, 94.

15 Նույն տեղում, էջ 94:

¹⁶ Տե՛ս Բուվսյայ վարդապետի Արժրուհւոյ Պատմութիւն տաճն Արժրունհաց, գիրք Գ, ԿԿ. Ժ, ՍՊԲ, 1887, էջ 175—177:

17 Նույն տեղում, գիրք Գ, գլ. ԺԳ, էջ 195.

¹⁸ ვახუშტი, აღწერა ხაშველთა საქართველოსა (საქართველოს გეოგრაფია), თ. ლომო-ურის და ნ. ბერძენიშვილის რედაქციით, თბილისი, 1941, ლ. 87.

թյունը (հավանաբար, Թբիլիսիի ամիրայի օգնությամբ) անցնում է գարդաբանցիների իշխող վերնախավին:

Կախեթի քաղաքական կյանքում ծանարների ունեցած առաջատար դերը IX դ. սկսած անցնում է գարդաբանցիների ձեռքը: «Մատեան Քարթլիին» («Մատեան Քարթլիսայ»)՝¹⁹ հաղորդում է, որ շուրջ 830 թ. գարդաբանցիները համաձայնության եկան և քորեպիսկոպոս ընտրեցին Քվարկի որդու Հովհաննեսի որդի Դաշին, իսկ նրանից հետո այդպիսին նշանակեցին Սամուել Դոնաուրիին: Սամուել Դոնաուրիից (839—861) իշխանությունը ժառանգում է նրա եղբայրը (ըստ Վախուշտիի՝ եղբորորդի) Գարբիել Դոնաուրին (861—881), բնագրում՝ քորեպիսկոպոս էր Գարբիել Դոնաուրին, Սամուել քորեպիսկոպոսի եղբայրը²⁰:

Դաշիի (ըստ Վախուշտիի՝ Վաչե, 827—839) ժամանակից սկսած և հետևապես Դոնաուրի տոհմի կառավարման շրջանից, այս քորեպիսկոպոսները իրենց իշխանության տակ են առնում Կախեթը և ջանում դառնալ նրա ժառանգական կառավարիները, մի բան, որ որոշ ժամանակ նրանց հաջողվում է: Բայց IX դ. 80-ական թվականներին դարձաբանյան Դոնաուրիները զրկվում են իրենց իշխանությունից²¹: Նրանց հպատակեցնում է հզորացած քորեպիսկոպոս Փադյան (881—993)²²:

Երկրի քաղաքական կյանքում ծանարների խաղացած առաջատար դերի մասին է վկայում այն փաստը, որ հայկական աղբյուրները ծանարքի, իսկ արաբական և բյուզանդական աղբյուրները²³ Sanaria և Τσαρσικ-ի տակ ենթադրում են ամբողջ Կախեթը՝ այն առումով, որ տալիս է Վախուշտին²⁴: Հատկանշական է, որ խնդրո առարկա աղբյուրները ոչ մի տեղ չեն հիշատակում գարդաբանցիներին, որոնց հանդիպում ենք «Մատեան Քարթլիում»: Նկատի ունենալով այս, Ս. Ջանաշիան գտնում էր, որ արաբական աղբյուրները ծանարների տակ ենթադրում են Կախեթի իշխանությունը քաղաքական առումով²⁵:

¹⁹ «Ձեռնագիր Միտոփոնեց Գարեթանգեղոսի և Գանահինեց Քորեպիսկոպոսի և Դաժի, ժյ ուղեմը Քեթաբուլոսի Ժոն և Մեմեդոմալ Դմիտրի Դևսից Քորեպիսկոպոսի և Տամուղ Դոնաուրի», մատնագիր Քարտլոսի, «Քարտլոսի Ենոթրեմ», Ե. 1, էջ 284:

²⁰ Նույն տեղում, էջ 257:

²¹ Յ. Դ. Լուրտիցից, Նշվ. աշխ., էջ 184:

²² Նուրա Դադլա Քորեպիսկոպոսի Գանժուղը և Դաժուրիկա Գարեթանգեղոսի, մատնագիր Քարտլոսի, «Քարտլոսի Ենոթրեմ», Ե. 1, էջ 282:

²³ Կոստանդին Միրանաթինը իր «Բյուզանդական արքունիքի արարողությունների մասին» (De cerimoniis anlae byzantinae) երկրորդ դրքի 46-րդ գլխում տեղեկացնում է ոչ բյուզանդական իշխանավորների ուղարկվող նամակների վերնագրերի մասին, որտեղ կարգում ենք՝ «Ալեքանդրի (Իմա Աղվանքի) իշխանին, Կրավատաղենների իշխանին՝ Կրևատաս Կուլվաթին, Կեդոնիայի իշխանին, Մանարիայի իշխաններին (αἱς τοῖς ἀρχιστὰς Τσαρσικ): Սարվանի իշխանին, որոնք գտնվում են Ալանիայի և Մանարիայի միջև (տե՛ս Կոստանտին Միրանաթին, Քարդանուսի բնագրից, առաջաբան և ծանոթագրություններ Հրաշ Բարթիկյանի, Երևան, 1970, էջ 152):

²⁴ Գաճախ Քուր, Նշվ. աշխ., էջ 86—108, Մ. Լուրժեքիանիսն զանում է, որ Մանարիան Նուրադուլում է Կախեթի (ձեռնոց—լեռնոց—Մանարեթ—Գարեթան) հետ այն սլաւաճողով, որ արարների դեմ մղված պայքարում առավել անհղ և առաջատար ուժը ծանարներն էին: Բացի այդ, Նա Նշում է, որ արաբական աղբյուրները խոսելով XI դ. սկզբի զեպեքի մասին, Զուրդանը (Վրաստանը) հակադրում են Մանարիային: Դա, Լուրժեքիանիսն է հեղինակը, արդեն Կախեթի իշխանությունն է: Յ. Դ. Լուրտիցից, Նշվ. աշխ., էջ 144, 188—189:

²⁵ Ն. Ե. Ջանաշիան, Գարեթան և Քարտլոսի, Մոնոգրֆի, Ե. II, Երևան, 1952, էջ 278, 403,

Սանարների պաշարը արաբական զավթիչների դեմ, Անդրկովկասի ժողովուրդների ժողովրդա-ազատագրական շարժման օղակներից մեկն էր, որը հանդես էր գալիս, վրաց և ադխանից ժողովուրդների պետականության վերականգնման, Սրանց թվում էր նաև ծանարների ֆեոդալական իշխանությունը՝ Կախեթի բորեպիսկոպոսությունը, որը հետագայում վերածեց առանձին թագավորության:

ПЛЕМЯ ЦАНАРОВ И ИХ РОЛЬ В ОХРАНЕ ДАРЬЯЛЬСКОГО ПРОХОДА

А. Г. МКРТУМЯН

Резюме

В период экспансии Селевкидов в страны Закавказья, в годы царствования Антиоха III Великого (242—187 г. до н. э.), было обращено внимание на Дарьяльский проход. Вероятно, с этого времени цанарам, жившим в районе истоков реки Терек, поручается охрана укреплений этого прохода, называемого Аланскими воротами.

Сведения о племени цанаров мы находим в «Армянской Географии VII в.» и в грузинском источнике XI в. «Мокцевай Картлисай» (Обращение Грузии). В последнем сохранилось интересное свидетельство о том, что в VI в. персы поручили цанарам охрану Аланских ворот. Естественно, что такое привилегированное положение цанаров способствовало укреплению авторитета этого племени среди других племен Кахети, что дало им возможность после падения владычества сасанидского Ирана возглавить народно-освободительную борьбу против арабского владычества.

Титул «хорепископ», который носил племенной вождь цанаров, становится традиционным и наследственным, обозначающим в то же время правителя грузинского феодального княжества Кахети.